

桃源縣志

增繪民國城鎮
鄉圖共二十本

桃源縣志

增補
卷之二十一
藝文志

桃源縣志卷十五

藝文志 詩

詩集 杜

唐憲宗欲與戎昱朗州刺史謂武陵桃源足稱詩人之興知游
名勝者必探其蘊奧而表章之斯不至山嶽獻嘲邱隴騰笑耳
邑詩權輿於漢武溪深一曲昔人疑伏波升穿石望遠作然跼
鳶駭獸彼目一時至淵明躡清風敞神界與夫士人葦蘿山歌
傳誦後禩而所謂桃花源者幾如海上三山縹緲難卽唐宋以
來代有名作箋山注水允爲此中功臣也若夫生長福地歌嘯
洞天其於一邱一壑一草一木亦日矜矜道之以駭人聽睹誰
甘爲井蛙拘墟也哉故外人所作必以關邑名勝爲去取邑先
達諸公則變其例而泛及之亦參以詩存人之意也但限於篇

幅不能備載其已入舊志者節存十之六至近人遺稿擇其意境高超風骨迥上者亦各備一體以爲考鏡焉

樂府

謠附

漢

武溪深行

伏波將軍
茂陵人馬

援文淵

崔豹古今注云馬援南征袁寄生善吹笛援作歌令寄生吹笛和之按後漢書武陵五溪蠻反援爲伏波將軍時年六十二自請擊之蓋五溪卽武陵桃源在漢屬武陵疑屯兵壺頭失利升穿石望遠時作也

武溪一何深飛鳥不度獸不臨吁嗟武溪多毒淫

晉

樂蘿山歌

仙人邑里集注楚風補題標淥蘿山歌
常德文徵作武陵人歌今從楚風補

黃閔武陵記曰淶蘿山側崑垂水壘蘿百里許得明月池碧潭
鏡徹流風叩阿有絲桐之韻土人歌云

仰茲山兮迢迢層石構兮嵯峨朝日麗兮陽崑落景梁兮陰阿障
壑兮生音吟籟兮相和敷芳兮綠林恬澹兮潤波樂茲潭兮安流
緩爾棹兮詠歌

五代

武溪深行

武陵王長史彭城人劉孝勝

武溪深不測水安舟復輕暫借莊生釣還滯鄂君行謹歌爭後發
譟鼓逐前征秦上山川險黔中水石并林壑秋籟急猿哀夜月明
澄源本千仞回峯忽萬縈昭潭讓無底太華推削成日落通野氣
目極悵餘情下流會不濁長邁寂無聲羞學滄浪水濯足復濯纓
明

桃花流水引

稽勳郎中
公安進士

袁宏道

中郎號石公

花源棹返幽思縈懷枕上夢中如有所得命曰桃花流水引亦仙家竹枝詞也

華陽巾子碧絲環紫府簷前舊押班阿母筵頭爭一擲醉中輸卻小蓬山

袖卻紅雲侍紫皇詠諧長是困東方乍來不識天顏笑只道輕噓列缺光

夜深仙犬吠花關私過雲英與玉環天上看來偷律重玉桃一顆謫人間

掃斷紅霞陌上塵青鸞白鳳集仙真吹笙搗藥皆廝品要作蓬山罵座人

鬪草筵前霞作堆花宮無事臨驅雷麻姑同說水清淺又過扶桑

看一回

東海羣兒拜木公腰間常繫鳳凰籠絳帟一舞翻飛去驚起扶搖
滿翅風

光碧堂前催賜衣少年天女弱腰圍而今花樣新奇甚不用銀河
織錦機

燒盡銀灣木作田全憑奇僻傲諸仙老來猶自耽兒戲弱水洋中
泛鉄船

路逢簫史不回身風裊芙蓉繡領巾雲髮自然清格少但憑閨艷
作仙人

盡到朝元會上來春風坐通小瓊臺閒聽蔡誕輸龍語引得諸仙

笑似雷

按本集上係第二
首此係第九首

路傍地議

四川提學
僉事邑人江盈科

進之號
涿蘿

路傍地往來車馬紛如織官路被泥陷遂取地值一年虧一丈十
年畝淤遂梁麥不生飢可忍累歲賠糧無數計人家積金高如天
路傍有地慎莫置

留仙裙

南安知縣題
授檢討邑人

關士琦

楊公疏
誰卷

浮空水榭搖玻璃彩橋百丈

一作尺

河漢齊流波隨風自靡靡黃頭

不動牙櫓徙橫天水戲

或誤細

來無聲趙后肌骨何輕盈疾風拂天

天拂水天子呼后后呼姊姊欲仙去可奈何歌喉纔歇淚滂沱牽

裙不欲成仙去弱罷六幅翻飛劇漢家三十六宮春輕軀私試步

香塵顧影迴身作清妙無方欲怒昭儀笑肉鴨憨憨三百斤夜來

亦製留仙裙

前泛溪曲五首

關士琦

驚聞采菱歌家居洞庭裏解得此聲來多是帶雲水

樵歸夕陽下隔溪不得渡不愁今日溪但愁明朝路
菖蒲連浦綠榴花分澗紅日暮自歸去不是長風
鷺鷥終日立幾家門下灘昨朝春水湧不覺魚船
新水浴鶴鵠悞得平田魚人事有逢莫漫

從泛溪曲五首

關士琦

前山有明月呼僮掛帆去但趁明月行莫定回船路
削天峯十二飲復卧其下有萬仞潭毛髮寒中雨
帝子蒼梧宅詩人水竹居攜來荆浩筆日畫一虛無
辰陽三十灘洞庭八百水一舟之所貯清光邀如此
兩港與晴岫蓬窗自歲年漁翁朝乞火知是讀書船

野陰行

關聞

野陰曠曠朝窗黑黃雲潑天秋草白秋草隨風畫樸人行人歛晴

行埃塵柴門數間午由閉三日無人煙火廢客來但坐勿蒼茫野
蔬初作為君嘗昨宵陰雨門前路觸體呼冤滿岩岫逡巡似說刀
瘢辛去來疑有車麟聲十年兵火殲妻子一身猶在嗟不死白骨
滿地腸桂枝近前欲認魂悽悽君不見秦坑長平四十萬轉眼灰
塵人不見橫兵悍將徙爾為只今猶說為邊陲

毀巢歎

闕聞

甲申春有燕來巢為市兒所破殲其雛三翁母各墜梁死予賦
此悼之越旬得北都陷報嗚呼是非所謂識乎為之三咽

海燕巢北堂卜居慎所擇手口交作之如人起草澤懷此頗有年
風雨悵辰夕期以長子孫安知百六厄豎子何悍狂長驅起肘腋
揭竿破其宇拳石奮一擲我室立土崩黃口盡俘馘翁母艱出走
繞梁亦破額恩勤今已矣奚覩飛騰翮嗟哉綢繆功竟爾廢旦夕

豈無申包淚誰與乞秦伯豈無
安在同仇客元鳥祚何衰皇天

義陵曲

闕聞

義陵道何草草行人策杖起太
黍離王孫泣隅今安之山頭月
古堞寒颼颼野火燒城暮鴉啾
鬼半笑半嘯半瘡痍霜骨積山
荼與采苦寄語長官驅車來春

蕩子曲

闕聞

戎馬蕭蕭北風吹淮河夜渡無
應鼓鼙帳下呼名夜起舞替俠
缺笑歌天地腐腰下彎弓射明
月鵲鵲膏橫寶刀滑或堪作好結

客場誰能斬蛟搗兔窟白髮一拜棄如遺紅顏把袂淚不垂浪言
男兒負奇氣安得爲此區區羈高堂有酒不肯斟長安薄醕醉復
傾健兒真知己僕射亦父兄君不見古來戰士埋青草白骨高堆
風雨掃慮君輕薄負君王蕩子之婦安足道

國朝

長歌行二首

四川道察監御史邑人羅人琮宗玉號紫蘿

三載爲君婦兩載君爲客合少苦離多凌空羨健翮
朝望江水清暮望江雲白朝暮空相望不如化爲石

行路難二首

羅人琮

直聲動朝野竊比古之人慷慨上封事官家頗見親既思充難
敢惜犯龍鱗一朝逢不測杖落血肉橫負臥南山下孤忠誰與明
何如安田舍斗酒聽春鶯

其二

兜鍪專閫外雄著八面威行營金鼓震坐帳號令飛豈復有橫陣
何曾畏間奇廟堂盼捷檄偏裨報舉旗同床忽異夢尊罍起殺機
至今長江水混混流傷悲

將進酒

羅人琮

將進酒醒復悲歌靡豔舞陸離玳瑁敞高燭輝金釵墮玉觥飛日
月去如駛不樂欲奚爲繁華瞥眼寂寞相催秦宮迷廢址漢院空
劫灰何況宮中院裏人幾存荒塚與殘碑古今皆如此乘除數莫
違山澤之臞苦忍飢江河倒海誰西歸長生久視安足希李岳故
立保說土舊安期丈夫成仙須飢餓鴻鵠未許燕雀知

戰城南

羅人琮

戰城南兩軍接鼓逢逢悲風冽弱者死退強死擊狐貉飽騰烏鴟

飛蔓草寒烟橫白骨堂上闌中那得知疑信相參音書稀將軍奏
凱恩賜隆可憐戰士惟有孤魂來夢中

仙人邑里集注考是詩作於康熙十七年戊午先生正補御史
入京吳逆叛亂尙厠未平雖用樂府舊題實遙憫故鄉蹂躪
而賦也悲歌慷慨饒有古意而語慘神傷又渾括弔古戰場文
及古來征戰幾人回猶是春闈夢裏人一將成功萬骨枯等詩
而出以雄直者

白苧詞

羅人琮

白苧舞照流霞回身拂袖眩生花綠楊臨水裊輕燕漾風斜白苧
舞舞復歌燈前扇底流微波婉轉抑揚無限意就中歡契何其多
此曲此聲思韓娥四坐頽然奈汝何

將進酒

鳳凰廳教諭邑人羅時暄旂山

樽如海酒如澠一日不飲盡蓋生塵人生能得幾多日三萬六千
逝不停君不見石太尉珠六斛易娉婷高樓空設鴛鴦衾君不見
李供奉流夜郎過洞庭塵寰誰識謫仙人太行之山磨不平黃河
之水澄不清古人已沒今人生千秋萬世畱虛名

君馬黃

羅時暄

君馬黃我馬玄君馬金轡勒我馬鐵連錢兩馬相值我後君前異
面同心識路者先追風汗血拂袖垂鞭崎嶇逼仄勿蹶勿踣弓彎
滿月雙翼連駒虞接跡草芊芊被服文繡充上閑祁連秋色空雲
烟

公無渡河

羅時暄

河水瀾瀾可棹可艤披髮亂流狂哉子豈無輕舟其行如駛忍看
七尺飽長鯨簞筏所悲胡不止嗟嗟攜壺良有以無乃酤我佐烹

鯉蒼茫不測河水深眉睫之間波濤起

短歌行

羅時暄

羲和羲和照寰宇西沒東升無乃苦胡不停鞭脫轡長當午人壽
千年無今古造化之心不可覩夜行有月清光補入我酒杯中令
我歌且舞露冷風涼清牖戶雄雞聲急城頭鼓

緩歌行

羅時暄

晝所念夜夢之無人我知落落我所思一解園有松松有枝瓶有酒

酒滿卮作客何爲黃鳥罷鳴玄蟬嘶二解堂上事壽母室中友賢妻

客中椎肥牛不如還家餽糜三解客中椎肥牛不如還家餽糜醒客

夢五更雞四解

採蓮曲四首

羅時暄

朝採蓮湖波皺宛轉蕩荷珠濕透紅羅袖

暮採蓮湖光紫纖手剖蓮房懷著雙雙子

轉棹避花深隔花人語至舉起小姑裙恨殺蓮莖刺

一船安兩槳船船相爭逐迴頭語阿姨莫覺鴛鴦宿

戰城南

監生 邑人王輔怡臨沅

戰城南聲洶洶烽火高百尺焰焰照城東
東土焦無蒿蓬救兵不至矢絕道窮
萬馬咆哮去無蹤但見長途十里熱血紅
熱血紅冷血黑春到江南草不生
閨人猶探夫消息

善哉行

直隸州知州任 宣恩知縣邑人向光謙子識號梅修

愚者處世如物自縛惟彼達人解繩絕索
茫茫苦海中有大樂解時喜則喜時過斯
已時憂則憂時去弗留如雲之行如水之流
朝食金鑾夕乞道左何貴何賤無可不可
譬彼梨園要非真我解貧賤逼人酷甚枷鎖
長繫待決萬一赦我越獄踰垣祇以速禍解